

Impuls fürs Sternsingen 5:

Sternsingen – Welchem Stern folge ich nach?

Sternsingen cha üs zum Hamschterrada vom Autag usnä, **üs lah frage, was würklech zeut?**

U da isch d'Sprach vo dä Biueder und Symbol hüfig
ergibiger aus die sogenannte Fakte.

Üs säuber passiert äs ja hüfig,
dass mir üs im **Autagschtürm** und i dä **Problem verlüre** –
u nume no „d'Realität“ **gseh wie näs Brät vor em Chopf.**
Sogar üser **Wünsch u Tröim** ergäh sech meh us au däm,
wo üs usser Atem bhautet und üs schinbar fäut.

Drum:

Gsieche mir überhoubt ä Stärn, ä Stärn vo Bethlehem,
wenn dä a üsem Horizont über Langnau wurdi ufgah
oder dert, wo dir deheime syt?

U no spannender:

Wär i säuber bereit uf ds stah us em bequeme Sofa,
wie die Stärndüter dennzumau?

Dr **Leonardo da Vinci** het einisch gseid:

„Binde deinen Karren an einen Stern!“

Chönnt is äch si, dass mir, excusez, üser **Chärre**
mängisch irgendwo inere Tiefgarage parkiert hei?

„Binde deinen Karren an einen Stern!“

De hiess doch das –

einisch nümme immer Chopf abe u springe –

Das hiess **ufluege, ufe luege,**

dr Charre und aues, was im Schatte versuret –
us dr Tiefi vürehole u nöi a Stärn bing:

Vo dä **drei Chünige** ghöre mir när no:

„Sie zogen einen anderen Weg heim in ihr Land.“ Mt 2,12

D'Begänig mit em Christusching

het die drei Chünige verwandelt.

Löh mir üs doch la inenäh –

i die verwandelndi Chraft vo dr Advänts- u Wiehnachtszyt?

Im Liecht vo däm Stärn u mit dä Gschänk vo dä Stärndüter
chöi mir no einisch aluege,

was wäsentlech isch?

Gold – Königskinder

Weihrauch – Himmel, Gott

Weihrauch –

Woher komme ich? Wer bin ich? Wohin gehe ich?

Der Erste

Der Stern, der über der Krippe steht,
sagt Antwort dem, der zu ihm geht.

Der Zweite

Der Stern, der über der Krippe brennt,
führt den rechten Weg, der ihn bekennt.

Der Dritte

Der Stern, der über der Krippe scheint,
schliesst auf das Herze, das versteint.

Der Vierte

Seht her, der Stern brennt lichterloh.
Nun findet das Kind und werdet froh.

Rudolf Otto Wiemer